



ANDREU DALMAU / EFE

Jose Mari Olazabal, atzo, El Prat golf zelaian, pilotarekin jolasean.

JOSE MARI OLAZABAL

■ ■ ■ «Inoiz baino hobeto jokatu nuen Masterseko bigarren egunean. Burdinekin ez sinesteko moduko jokoa egin nuen»

■ ■ ■ «Torneo handi batean gorputz eta arima jardun behar duzu, eta barrenean duzun guztia eman»

l a**E S K U B A L O I A****■ Barcelonak eta Ademarrek gaur jokatu du****Asobal Ligako finalaren lehen partidua, Palau Blaugranan**

LAUGARREN aldiz jarraian liga irabaz dezake Barcelonak. Europako Kopa irabazi ostean, kataluniarrek ASOBAL liga lortzeko aukera asko dituzte, baina horretarako Ademar Leoni irabazi beharko diote. Ademarrek, era berean, denboraldi bikaina egin du: Europako Errekopa irabazi du eta bigarren tokian amaitu du liga. Ligako finala bost partidutara jokatu da, eta lehenengo norgehiagoka gaur arratsaldeko 20:00etan jokatu da Bartzelonan.

■ Buligan atezainak «itxaropenez» hasi du sendatze fisikoa

PORTLAND SAN ANTONIO talde nafarreko atezain errumaniarra, Alexandru Buligan, osatzen ari da pixkanaka-pixkanaka. Buliganek istripu larria izan zuen otsailean, eta hainbat zauri jasan zituen. Aste honetan hasi da errumaniarra lan fisikoarekin, eta «itxaropen eta ilusio handia» duela adierazi du. Bere taldekideekin batera uztailean denboraldi-aurrea egiteko asmoa du Buliganek.

E R R U G B I A**■ Baigorri-Bedarrides eta Donibane Lohizune-Montelimar izango dira Nazional 1eko kanporaketak**

JOAN DEN IGANDEAN amaitu zen Frantziako Nazional 1 Liga Xapelgoa, eta 24 taldek lortu zuten aitzinera jarraitzeko txartela; horien artean Baigorri eta Donibane-Lohizunek. Multzo bakoitzeko aurreneko bi sailkatuek (zortzi talde), final-hamaseirenak jokatu zituzte zuzenean. Gainerako 16 taldeek, aldiz, lehenik aurre-kanporaketa jokatu beharko dute (maiatzak 2). Talde horiek, ligako sailkapenaren arabera parekatu zituzte. Euskal taldeei dagokienez, Baigorri Bedarridesen kontra jokatu du; eta ez Olorueren kontra, eta Donibane-Lohizunek Montelimar izango du kontrario; eta ez Saint-Claude.

■ Frantziak eta Espainiak jokatu du emakumezkoen Europako Txapelketaren finala

ESPAINIA eta Frantzia sailkatu dira Emakumezkoen IV. Europako Txapelketaren finalerako. Espainiak 11-9 irabazi zion atzo Eskoziari finalerdietan, eta Frantziak berebiziko errepasoa eman zion Ingalaterrari: 19-0.

S A S K I B A L O I A**■ San Antoniok Utah Jazzen bolada ona eten du, Tim Duncanen lan txukunari esker**

NBA-KO azken partiduetako emaitzen artean, aipagarriena San Antonio Spursen garaipena izan da. San Antoniok 83-69 irabazi zion Utah Jazz taldeari, eta *play-off*-etara sailkatu da. Tim Duncan izan zen partiduko onena 36 puntu eta 10 erreboterekin. Beste partidua batzuen emaitzak hauek izan ziren: Golden State Warriors 102, Los Angeles Lakers 106 (luzapenean); Toronto Raptors 81, Atlanta Hawks 103; Chicago Bulls 83, Washington Wizards 77; Dallas Mavericks 104, Phoenix Suns 100; eta Milwaukee Bucks 95, Orlando Magic 83.

T E N I S A**■ Yevgeni Kafelnikov, Thomas Enqvist eta Greg Rusedski kanporatu zituzte Montecarloko torneoan**

THOMAS ENQVIST suediarri jipoia eman zion atzo Montecarlo Francisco Clavetek (6-2 eta 6-0); Ivan Ljubicic kroaziarrak bigarren zerrendaburu Yevgune Kafelnikovi irabazi zion (6-1, 6-2); zortzigarren zerrendaburu Greg Ruseds-kik ere galdu egin zuen torneoko bigarren kanporaketan, Jim Novaken aurka (6-2, 6-2). Arazik, Kuertenek, Philip-pousisek eta Di Pasqualek, berriz, garaipena lortu zuten.

H E R R I K I R O L A K**■ Bihar amaituko da Gipuzkoako segalari txapelketan izena emateko epea**

GIPUZKOAKO segalari txapelketan parte hartzeko beharrezkoa da izena federazioan ematea. Bihar amaituko da horretarako epea, eta arratsaldeko 19:30etan bilera bat egingo da segalariekin.